

2152 (1739)
P.B.: 39

Bosna i Hercegovina
Federacija Bosne i Hercegovine
KANTON SARAJEVO
Ministarstvo prostornog uređenja,
građenja i zaštite okoliša



Босна и Херцеговина
Федерација Босне и Херцеговине
КАНТОН САРАЈЕВО
Министарство просторног
уређења, грађења и заштите околиша

Bosnia and Herzegovina
Federation of Bosnia and Herzegovina

CANTON SARAJEVO
Ministry of Physical Planning Construction and
Environmental Protection

Broj: 05/01-04-10308-39/20 ZJ
Sarajevo, 04.06.2020.g.

SKUPŠTINA KANTONA SARAJEVO

- OVDJE -

n/r Mirza Čelik, predsjedavajući

PREDMET: Dostava odgovora na zastupničko pitanje

Zastupnica Skupštine Kantona Sarajevo Nejra Dizdarević, je na 24. Radnoj sjednici Skupštine Kantona Sarajevo, održanoj 23.04.2020. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo pokrenula slijedeće zastupničko pitanje:

PITANJE:

„Molim da me obavijestite o dosadašnjem radu na izradi Urbane klimatske mape za KS, koju je Ministarstvo dužno obezbijediti u skladu sa Zakonom o zaštiti zraka i Odlukom o zaštiti i poboljšanju kvaliteta zraka“.

ODGOVOR:

Članom 49. stav 1. Odluke o zaštiti i poboljšanju kvaliteta zraka u Kantonu Sarajevo ("Službene novine Kantona Sarajevo" broj 23/16) propisano je da je Ministarstvo prostornog uređenja, građenja i zaštite okoliša Kantona Sarajevo dužno u roku od dvije godine izraditi Studiju, kojom će se utvrditi mikroklimatska slika područja Kantona.

U funkciji realizacije ove obaveze uspostavljena je saradnja sa Federalnim hidrometeorološkim zavodom.

Budući da je ključni preduslov za izradu Studije raspoloživost neophodnih meteoroloških podataka sa područja Kantona Sarajevo, dogovoreno je da se prioritetno trebaju nabaviti automatske meteorološke stanice za općine Hadžići i Vogošća u kojima ne postoje kontinuirana mjerenja.



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1



Stoga je Ministarstvo iz sredstava Budžeta Kantona za 2017.godinu izvršilo nabavku istih. S obzirom na to, da Kanton Sarajevo nije u mogućnosti da održava stanice i da istim upravlja, Vlada Kantona je Odlukom broj 02-05-26226-9/18 od 28.06.2018.godine dala saglasnost Ministarstvu za sklapanje Ugovora o korištenju meteoroloških stanica sa Federalnim hidrometeorološkim zavodom.

Članom 5. Ugovora Federalni hidrometeorološki zavod se obavezao da će koristeći podatke dobivene putem mreže meteoroloških stanica u koju će biti uključeni i podaci sa pomenute dvije stanice, izraditi Studiju mikroklimatske slike sarajevske kotline.

Pošto Federalni hidrometeorološki zavod do danas nije uspio dobiti građevinsku dozvolu za postavljanje meteorološke stanice u Hadžićima, zbog nedostatka meteoroloških podataka sa navedenog lokaliteta, Studija još nije izrađena.

Nakon upućivanja nekoliko urgencija, dobili smo uvjerenja od FHMZ da će stanica uskoro biti postavljena, te da će Studija biti izrađena do kraja ove godine.

Ukoliko ipak do kraja godine ista ne bude završena, Ministarstvo će morati tražiti alternativni način njene izrade.



MINISTAR

Faruk Kapidžić, dipl.ing.arh.

Dostaviti:

- Naslovu
- Stručna služba Vlade (na znanje)
- Arhiva



web: <http://mpz.ks.gov.ba>
e-mail: mpz@mpz.ks.gov.ba
Tel: + 387 (0) 33 562-029,
Fax: + 387 (0) 33 562-031
Sarajevo, Reisa Džemaludina Čauševića 1

